

Il romontsch lungatg nazional

Autor(en): [s.n.]

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **26 (1938)**

PDF erstellt am: **11.07.2024**

Persistenter Link: <https://doi.org/10.5169/seals-882174>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Il romontsch lungatg nazional

Nies stadi svizzer vegn pli cars
Tras l'unitad dils quater frars.

Florin Camathias

Il 20 de fevver 1938 ha il pievel svizzer sanczionau cun maisudida unanimitad il conclus dil cussegl federal e dellas combras federalas de renconuscher il romontsch per lungatg svizzer. Art. 116 della constituziun federala secloma ussa:

«Il tudestg, franzos, italian e retoromontsch ein ils lungatgs nazionals della Svizzeria.

Per lungatgs officials della Confederaziun vegnan declarai il tudestg, franzos ed italian.»

Quella modificaziun della constituziun ei vegnida approbada ella votaziun dil pievel da tuts cantuns ed en tut cun 572 129 encunter 52 267 vuschs. In resultat aschi unanim ha la Confederaziun aunc mai saviu registrar. Mo aunc pli legreivel ed il principal eis ei, che nos Confederai han capiu endretg la muntada principiala della questiun romontscha. Concedend al lungatg retoroman, malgrad siu stretg territori, il dretg e character de lungatg nazional, ha el buca mo cun ideal patriotismus, mobein era cun ver senn de libertad e solidaritad nazionala praticau in act politic, ch'ha anflau gronda admiraziun ed ha fatg honor a nossa Svizzeria

era ordeifer ses confins. Cun l'admissiun dil romontsch sco lungatg nazional ha ella dau a tuttas tiaras in splendid exempel de respect visavi al lungatg mumma d'in pievel e de loialitad visavi ad ina minoritad linguistica.

Nus havein ussa distanza avunda dals 20 de fevrer per saver constatar, che la renconuschientscha dil romontsch per lungatg svizzer ha evidentamein alzau siu prestige. Quei impurtont datum duei pia esser per nus Romontschs ina ferma e preziosa stimulaziun de continuar cun noss'activitad per la cultivaziun e defensiun de nies car lungatg. Cun siu grondius votum en favur dil romontsch ha il pievel svizzer senza dubi era manifestau, ch'el spetga quei da nus. En scadin cass fa quei di pli e pli pertscharts nus de nossas seriusas obligaziuns visavi a nossa jerta culturala, il patrimonium de nos babuns. La tiara romontscha duei oravontut mantener siu character romontsch e nua che quel ha gia pituu dals lufts moderns vegnir restabilius tont sco sepo. Nus vulein era buca secuntentar cun la pareta exteriura, cun empau fassada, anzi era s'enfirmir internamein cun cultivar e fortificar il pertratg e sentiment romontsch, ch'ei nies meglier menader e cussegliader. Mo nus vulein buca emblidar che la tradiziun populara ei la megliera scola ed il pli solid fundament per patertgar e sentir romontsch.
